

পদত্যাগপত্রে তাঁরা যা লিখেছেন

বিএনপি থেকে এখন পর্যন্ত যে ২৪ জন মন্ত্রী-এমপি পদত্যাগ করে কর্নেল (অবঃ) অলি আহমদ এবং ডাঃ বদরুদ্দোজা চৌধুরীর নেতৃত্বে সদ্যগঠিত লিবারেল ডেমোক্রেটিক পার্টি (এলডিপি)-তে যোগ দিয়েছেন, তাঁরা সকলেই পদত্যাগপত্রে একই কথা লিখেছেন এবং তা হুবহু নিচে দেয়া হলঃ

প্রাপকঃ

বেগম খালেদা জিয়া,
চেয়ারপার্সন,
বিএনপি।

বিষয়ঃ পদত্যাগ প্রসঙ্গে

জনাব,

আপনার অবগতির জন্য জানাইতে চাই যে, আপনার এবং আপনার পুত্র জনাব তারেক রহমানের দ্বৈত নেতৃত্বে বিএনপি সরকারের কিছু কিছু মন্ত্রী, এমপি এবং হাতেগোনা কয়েকজন নেতার দুর্নীতি অতীতের সব রেকর্ড ভংগ করেছে এবং এতে দলের ভাবমূর্তি ক্ষুন্ন হয়েছে। সর্বোপরি নিত্যপ্রয়োজনীয় দ্রব্যমূল্যের উর্ধ্বগতিসহ সকল বিষয়গুলোর কারণে দেশ এবং জনগণকে হতাশা, ক্ষতিগ্রস্ত এবং ভোগান্তির শিকার হতে হয়েছে। এছাড়াও সরকারের মন্ত্রী এবং জাতীয় সংসদের এমপিদেরকে জনাব তারেক রহমান নিয়ন্ত্রণ করছেন। তার ইচ্ছা অনুযায়ী সকলকে কাজ করতে হয়। কোন প্রকার সরকারী প্রটোকল না থাকা সত্ত্বেও অন্যায্যভাবে প্রতিনিয়ত রাষ্ট্রীয় ক্ষমতা প্রয়োগ এবং অপব্যবহার করে আসছেন, যা অত্যন্ত ন্যাকারজনক এবং গণতন্ত্র পরিপন্থী। কোন আত্মসম্মানবোধসম্পন্ন নেতা বা কর্মীর পক্ষে তার নেতৃত্বে দল করা সম্ভব নয়।

২০০১ সালের জাতীয় সংসদের নির্বাচনের পর থেকে দল তার অনুসৃত নীতি থেকে সামগ্রিকভাবে বিচ্যুত হয়েছে। সিদ্ধান্তহীনতা, ব্যাপক দুর্নীতি এবং দলের কিছুসংখ্যক নেতা সন্ত্রাসী কর্মকাণ্ডের সাথে জড়িত থাকার কারণে সরকার দেশ চালনায় ব্যর্থ হয়েছে। শহীদ রাষ্ট্রপতি জিয়াউর রহমানের প্রতিষ্ঠিত বিএনপি রাজাকার, স্বৈরাচার এবং দুর্নীতিবাজ দ্বারা নিয়ন্ত্রিত হচ্ছে। সর্বশেষ জনাব তারেক রহমান শিবিরের এক সম্মেলনে তাদেরকে 'একই পরিবারের সদস্য' হিসেবে আখ্যায়িত করেছেন।

এমতাবস্থায় কোন বিবেকবান নেতা বা কর্মীর পক্ষে দলে কাজ করা সম্ভবপর নয়। তাই আমি অদ্য তারিখ হইতে দলের প্রাথমিক সদস্যপদসহ সকল পদ হইতে পদত্যাগ করলাম।

সংগ্রাহেঃ

জাহেদ আহমদ

worldcitizen73@yahoo.com